



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 33. Dies secunda.

[urn:nbn:de:hbz:466:1-66066](https://nbn-resolving.de/urn:nbn:de:hbz:466:1-66066)

Sæculum VI.
A.C. 532.

p. 1766.

§. XXXIII.
Dies Secunda.

Secunda die Hypacius Archiepiscopus, postquam Statum Quæstionis reduxisset, interrogavit Orientales, quid ipsis in Concilio Calcedonensi displiceret. Responderunt: *primo, nova de duabus Naturis Doctrina.* Nam S. Cyrillus & Antecessores ejus docebant, ex duabus Naturis post conjunctionem Unam Naturam Verbi Dei Incarnati coaluisse. Hypacius dixit: non omne, quod novum, malum est. *An Novum istud malum esse dicitis?* Responderunt, malum est; quandoquidem, cum S. Cyrilus, S. Athanasius, Felix, & Julius Episcopi Romani, S. Gregorius Thaumaturgus, & S. Dionysius Areopagita definierint, post conjunctionem unicam esse Verbi Naturam, Calcedonenses contempta omnium borum Patrum Auctoritate dicere ausi sunt, post conjunctionem duas esse Naturas. (hic prima vice de Libris S. Dionysio adscriptis mentionem invenimus) Hypacius respondit: *Istorum Patrum Auctoritas tam falso adducitur, ut eorum S. Cyrillus nullibi meminerit.* Ephesi contra Nestorii Blaspemias attulit duodecim Patrum Textus, quorum nullus Unitatem Naturæ affirmat, cum ibi tamen præprimis præsente Concilio afferendi fuissent.

Orien-

.MIXXX . 2 . 11

Orientales dixerunt: *Hem injuriam! Sæculum VI.*
tu vero nos hos *Textus corrupisse insimulas?* Hypacius: *non in vos sed in Apollinaristas hæc suspicio cadit.* Deinde ad Scripta S. Dionysii transiens dixit: *Textus Ibid. autem illos, quos Dionysii Areopagitæ esse dicitis, qua ratione ostenditis, esse genuinos?* Si Dionysii essent, hos S. Cyrillus ignorare non potuisset. Sed quid S. Cyrilum memoro? S. Athanasius, si constans fuisset, hos libros esse Dionysii, eos ante omnia utique in Concilio Niceno contra Arium produxisset. Si vero Antiquorum nemo de his Textibus mentionem fecit, nec profecto, quo pacto vos probare possitis, ea revera esse Dionysii.

Orientales in illis verbis, quæ in quibusdam S. Cyrilli Epistolis occurrunt, una Natura Incarnata, (*) diutius morabantur, dicentes, quod duas Naturas subsistentes (**) post conjunctionem non affirmaret. Hypacius dixit: *illam S. Cy- rilli Doctrinam recipimus, quæ ipsius Epi- stolis Synodicis, a Conciliis approbatis, consentanea est, nempe Epistolam ad Ne- storium, & Epistolam ad Orientales; si quæ S. Cyrilli bis consentanea non sunt, ea*

I i 3 nec

(*) Una tantum haud dubie Natura potest dici incarnata; nempe Divina.

(**) Quia scilicet duæ Naturæ subsistunt in una Persona Divina.

Sæculum VI. nec damnamus, nec tanquam Legem Ecclesiasticam recipimus. Epistolæ ad unum

A.C. 532. Una Natura alterumve amicorum privatim scriptæ facile corrumpi potuere. Nihilominus post

Incarnata. p. 1771. hanc Protestationem Hypacius S. Cyrilli Textus, quos adducebant ex Epistolis ad Eulogium, & Successum, explicare non neglexit.

Præterea Orientales querebantur, p. 1775. Ibam & Theodoreum tanquam Catholicos fuisse receptos. Hypacius respondit, utrumque ideo receptum, quia Nestorium anathematizasset. Orientales affirmabant, Theodoreum non Bona Fide ipsum anathematizasse. Hypacius respondit: *quale vos nobis contra Concilium Calcedonense argumentum affertis! quæso!* num ideo, quod Eusebius Nicomediensis, Theognis Nicenus & quidam alii mala Fide Concilio Niceno subscripserint, & deinde Arium manifeste defenderint, Sacrum istud Concilium recipere non debemus? non Theodoreti Defensionem in nos suscepimus, sed Concilii Calcedonensis, quod jure merito illum recepit, cum sciret eundem S. Cyrillo fuisse reconciliatum. Tum, Orientalibus hanc Reconciliationem negare volentibus, Hypacius id factum fuisse argumentis manifestis docuit. In Causa Ibæ Orientales ob Epistolam ad Marim, quod ea Nestorio favere, & S. Cyrillo injuriam inferre videretur, hærebant.

bant. Hypacius respondit: *Hæc Epi-* Sæculum VI.
stola, S. Cyrillo etiamnum in vivis agente, A.C. 532.
in lucem edita, ipsum non permovere po- p. 776.
tuit, ut pacem turbare vellet, quod in Epi- p. 1777.
stola sua ad Valerianum Iconiensem data
ipse profitetur. At nibilominus Concilium
non prius Ibam recepit, quam Nestorium & Doctrinam ejus anathematizasset.
Hoc modo ipsi Nestorius & Eutyches, si
Errores suos abjecissent, a Concilio recepiti fuissent. Itaque Concilium Calcedonense
Ibam & Theodoreum difficilius reperunt, quam S. Cyrillus; buic enim suffecerat, quod in Condemnationem Nestorii, & in Ordinationem Maximiani Constantinopolitani consensissent, at Concilium ab ipsis exegit, ut Nestorio Anathema publice dicerent. Orientalibus hac
responsione satisfactum videbatur. Ita secundam Collationis diem clauerunt.

§. XXXIV.

Collationis Exitus.

Die tertia Imperator cum Senatu & Euphemio Patriarcha Collationi interfuit. Episcopos considere jussos lenitate, quam omnes admirati sunt, ad Pacem & Concordiam horratus est. Orientales Justiniano secreto suggesserunt Catholicos non confiteri, Deum in Carne sua passum fuisse, nec illum, qui passus est, unum esse de Trinitate, nec Miracula ab

Ii 4 Eadem